



Minggu, 28 Februari 2021

Ogen: Johanes 15:13-15



Kam Teman-temanKu



Adi ikataken teman ertina la rubat, la rimbang, la sinembehen. Adi kataken teman i je lalit si ganjang teruken, la lit perbedan status, la lit belat-belat entah level. I bas erteman lit biak keleng ate, terbuka, setia, nggit erkorban nandangi temanna. Pengorbanen e subuk waktu, tenaga, pemeteh ras materi. labo ietehna rugi adi namapt teman.

Bage me Jesus ngataken man ajar-ajarNa, "kam teman-temanKu" I je iposisiken Jesus kedudukenNa setara ras ajar-ajar amin situhuna IA anak Dibata, Raja si ipadanken Dibata ku doni enda. IbahanNa ajar-ajar jadi temanNa gelah ajar-ajar banci rembak ras IA, nuri-nuri kerna kecibal geluhna man Jesus, banci jadi teman tupung tawa entah tangis. Selaku teman, Jesus pe la ijagana rahasiaNa man ajar-ajarna, IA pe curhat, iturikenna sura-sura bapaNa nandangi IA man ajar-ajarNa. IturikenNa maka ipilih Bapa Ia lako nebusi kerina dosa doni enda, guna si e la banci lang IA arus mate ngasamken dareh ras kesahNa. Tapi erdandanken kepatuhenNa man persuruhan Bapa ras keleng ate nandangi kerina isi doni enda, Jesus nggit ngasamken kesahNa. Ilakokenna si enda kerina gelah doni enda terkelin. Bagem penuri-nuri Jesus man ajar-ajarNa.

Labo terjeng ajar-ajar, tapi kerina kita si enggo itebus Jesus, ikataken teman-temanNa. Selaku teman Jesus, lalap nge IA nggit nampati kita tupung susah entah senang gia. Lalap nge Jesus e rembak ras kita, iturikenNa nge lalap ateNa keleng man banta. Jesus e setia jadi teman, la Ia nilah i bas padan si ibelaskenNa. Genduari ipindoken Jesus man banta gelahna kita pe jadi teman ka man kalak si deban atan ije teman si beda agama, beda suku ras kita. Selaku teman, nggit kita nehken keleng ate alu la engkirai siibahan kita e man bana.